

di san Polo con 30 cavalli in compagnia, qual ha conduto in campo 6 cavalli con some di monede, et do muli con bolze di oro. El qual zonse in campo soto Milan da monsignor di Boysi gran armirao, ch'è governador. Il campo alozato apresso i borgi di Milan. Et li fe' bona compagnia, e lo tene a disnar con lui, et hessendo in la sua caxa dove l'alozava, vene una artellaria di Milan, e portò via la testa a uno caratier era in la ditta corte. *Item* disse che 'l ditto Armirao lo fece acompagnar fin sul nostro di quà di Oio. Disse che 'l Badoer orator nostro stava mal di certa mala disposition; non padiva (*sic*) nè poteva manzar, sichè è in gran pericolo de la vita. *Item*, che 'l Re era a Lion e feva far bastioni e fortificava la terra, et

- 39 *Di Franza, dil Badoer orator nostro, da Lion, di 1 et 2.* Come era amalato. Il Re era li, feva fortificar Lion et far bastioni. *Item*, una altra terra chiamata et questo per dubito di lanzinech. *Item*, che la duchessa di Lorena, qual è sorella dil ducha di Barbon, era stata 3 di li dal Re et impetrato uno salvo conduto per il fratello di poter venir a iustificar le opposition li è stà fato di esser contra Soa Maestà, e il Re ge l'ha fatto per 20 zorni; la qual voleva obstasi, e il Re non li hanno voluti dar, ma ben fato amplo salvoconduto. *Item*, che la fece conzar al dito salvoconduto zorni 20, poi il ricever di quello. E il Re fu contento. *Item*, che 6000 spagnoli haveano dato uno asalto a Baiona e l'arebeno presa si non zonzeva li monsignor di Lutrech; et che anglesi erano soto Bologna. *Item* che 'l re Christianissimo certo di curlo partiria per Franza per obstar a ditti impeti, et havia expedito per Spagna da l'Imperador lo episcopo di Bari per tratar acordo, e lui Orator nostro di questo havia scritto a l'orator Contarini in Spagna. *Item*, il Re ha mandato a tuor ducati 500 milia et arzenti erano del ducha di Barbon, et arzenti di tutti i prelati.

Dil dito Orator, fo lettere drizate ai Cai di X in materia di le presenti occorrentie, qual fo lecte con i Cai di X.

Di campo, da Varola Gisa, dil provedador zeneral Emo, di 10, hore 14. Come francesi tendevano verso Sonzin et erano a Soresina; haveano fato un ponte sora Ada. Il marchexe di Mantoa era partito di Pontevicho, et andato a Cremona a pagar quelle zente.

Veneno li oratori Cesareo et di Milan in Collegio per saper di novo. Solicitò il passar di le zente Oio; risposto inimici vol venir a Bergamo.

Di Udene, di sier Antonio Bon luogotenente, di 9. Come quel domino dalla Torre capitano di Gradischa, li havia mandato a dir, aver lettere di Jspruch di l' Archiducha, come è contento li sia dato Palazuol e Tulmin; sichè passà queste acque lo consegnerano a la Signoria, et cussì lui Luogotenente manderà a tuor il possesso.

Da poi disnar, fu Gran Consejo. Fu fato Consier dil sestier di Canareio, in luogo di sier Lunardo Emo è Provedador zeneral in campo, sier Bortolomio Contarini fo Consier, per danari, qu. sier Polo, qual rimase in scurtinio di una ballota da sier Giacomo Michiei fo cao di X, qu. sier Thomà; el qual subito introe a la bancha. *Item*, fo fato Baylo a Constantinopoli sier Piero Bragadin fo provedador sopra le camere, qu. sier Andrea. Il scurtinio sarà posto qui avanti.

Scurtinio di Baylo a Constantinopoli. 39*

Sier Francesco Morexini el savio di terra ferma, qu. sier Nicolò	76. 99
Sier Lorenzo Falier fo provedador a le biave, qu. sier Thomà	81. 94
Sier Marco Antonio Trivixan è di Pregadi, di sier Domenego cavalier procurator	79. 95
Sier Marco Antonio Contarini, qu. sier Michiel da san Felixe	65.107
Sier Vetur Pixani, qu. sier Francesco dal Banco	33.142
Sier Piero Zen è ambassador al Signor turcho, qu. sier Catarin el cavalier .	96. 83
Sier Polo Valaresso è di Pregadi, qu. sier Gabriel	94. 84
Sier Zuan Francesco Badoer fo provedador sora le camere, di sier Jacomo	99. 77
† Sier Piero Bragadin fo provedador sora le camere, qu. sier Andrea	105. 71
Sier Zuan Alvise Navaier savio a terra ferma, qu. sier Francesco. . . .	99. 79

In Gran Consejo, Baylo a Constantinopoli.

† Sier Piero Bragadin fo provedador sora le camere, qu. sier Andrea	758.566
Sier Zuan Francesco Badoer fo provedador sora le camere, di sier Jacomo.	602.722